

靈寶領教濟度金書卷之二百四十五 女真

洞微高士開光啟吾真人審金其使

靈寶通者弘教水南先生林雲其編

科儀立成品祈壽用

祈壽醮儀

法事如式

各禮師存念如法

宣衛靈呪

五星列照 煥明五方 水星却災 木德致昌
熒惑消禍 太白辟兵 鎮星四據 家國利亨
名列玉簡 字錄帝房 乘廳散景 飛騰太空
出入幽冥 遊宴十方 五雲浮蓋 招神攝風
役使萬靈 上衛仙翁 與道合真

鳴法鼓二十四通

无上三天玄元始三炁太上道君召出臣身
中三五功曹左右官使者侍香金童傳言玉
女五帝直符直日香官各三十二人出出者
嚴裝開啓玄壇天帝神君當召此間土地里
域真官正神急上關啓 今奉為入赤志以
今陞壇設醮願得

玉清道炁靈寶妙光下降流入 臣等身中即
使玄壇清淨內外成真天无氛穢地絕妖塵
琳琅振響十方肅清萬魔不干真誠上徹今
臣所啓速達逕御
太上无極大道至真玉皇上帝御前

請稱法位

具位 臣等與臨壇官眾等謹同誠上啓
太上无極大道虛无自然元始天尊虛皇玉
晨大道君靈寶天尊萬變混沌玄元老君道
德天尊玉皇大天尊玄穹高上帝北極紫微
大帝玉清神霄長生大帝東極青華大帝后
土皇地祇九天生神上帝三十二天上帝五
方五老上帝上清十一曜真皇君南辰六司
上真道君北極九府上真道君二十八宿星
君福祿壽三星君醮主其本命元辰運限照
臨星君周天分野河漢星君南極老人壽德
星君泰玄樞機三省列相天君三元三官帝
君北極四聖真君靈寶五師真君九天金籙
無量壽生神君九天諸司府院使真君十方
无極飛天神王三天三界大魔王三天門下

三元真君上章詞表靈官本靖所部三洞四
輔經籙法科諸省府院司靈官將吏五嶽五
帝真君洞天福地靖虛治化仙官北陰玄天
鄴都大帝水府扶桑大帝本靖組玄真經籙
度師列位真人東嶽地水掌壽命案主者城
隍社令遠近廟貌三界應感一切真靈伏聞
道先天地凝光明於混洞之中化並陰陽妙
裁成於洪濛之內包羅有截囊括無垠曰希
曰夷曰微上極無上惟玄惟元惟始高拱彌
高仰窺則恍惚難名俯聽則杳冥莫測凡居
陶治孰越範圍 等流俗疎材塵籠濁質強
顏出岫徒舟舟於駒馳終志還山悵愆愆於
兔逐天心補過勵志立功期精進以學真庶
操存而領教今醮官其皈命激切彈敬勤奉
修齋祈年已恪遵於青律消災謝過肅肅列
於玄儀願藥是陳菲葑致薦伏願元尊錫慶
上聖流光朱鳳翼隸降綠輦丹輿之仗玄龍
駉乘陪瓊輪羽蓋之班三界侍軒萬真受事
式副再三之悃不遺萬一之忱 臣不勝激切
願望之至再拜奉迎

聖駕

請聖 初獻

重稱法位

具位臣某與臨壇官眾等謹重誠上啓

太上无極大道三清上聖十極高真玄穹之

帝后仙真方域之曹僚主執三界內外一切

真靈伏聞三洞流光玉局著玄靈之典九清

布化琅函垂延壽之文自萬變混沈以傳經

絲六合高明而啓教恩流黃混澤浹清微惟

穩駕於法橋必克登於道岸今醮官某願天

激切扣地勤奉日居月諸自笑駿奔於老大

寒來暑往孰能留駐於年華夙無九還御炁

之方又賒七返延真之術期消宿累庸保餘

生庶福祿之兼全俾壽齡之永固尚慮身榮

世網心混塵機莫藏六以修持未存三而守

抱管營蟻磨六淫風動於身前後役蛾燈五

賊雲迷於生後是非顛倒人我紛紜置三會

於等閑付千齋於苟且愆書地府究錄神司

致青編未紀於增齡而黑籍或書於減算又

慮五星進退計羅火李以臨躔三命縮羸的

劫刃刑而守舍或干運限難追災危自非乞

福於綠羅安得添年於紫策壇崇四道旂花

緯繞以交加門列十華旌葆流明而並舉雲

鋪激響風聲凝清降珠蹕於端門松翠與於

閣道為齋主某懺除積障迎沐新釐祈福祿

於方來增年音六於未艾丹毫列悃青積陳情

具有詞文謹當宣奏

宣詞

詞文控露玄監孔昭黍稷非馨聊寓粟絲之

禮頻繁可薦爰陳綿絕之儀伏願蒼蒼時啟

高高日監尊慈間錯伶俚傳鳴九奏之音儻豈

淨嘉符寶雜五雲之伏克誠切切庸敬渠渠

莫垂惠下之仁允納由中之禱臣不勝虔切

伺命之至

亞獻

重稱法位

具位臣某與臨壇官眾等謹重誠上啓

三清上聖十極高真圓穹之帝后仙真方域

之曹僚主執三界內外一切真靈伏聞天雖

高而聽實卑惟惠民情之尚鬱民雖微而情

欲壽每蒙天聽之潛孚影響無遺鼓將胥契

今醮官某建壇首過已荷慈觀降福延年諒

從真禱伏願天光灑泱泱民欲昭回勅三官五

帝之曹僚勒九府四司之掾吏罪無大小均

削落於簡書宥有顯微悉齊同於簿錄積瑕

既蕩新慶宜增月滿庭除塵事常關於樂事

風清院宇世緣每挽於歡緣疾病不侵災危

永離椿松茂悅宛如玉樹之差我冀翼輝明

齊齡孫子熙熙門闕壽萬衛武入相允符九

奏之期呂望建邦恰際八旬之度佐熙朝而

全章紫綬宴暮景而綠鬢朱顏三鳳齊飛八

龍垂裕嘉拜無私之惠克全有造之恩次願

臣障惱消除塵龍斷滅傳道授法志多焉於

全蘭領教學真操益堅於冰菓凡有析叩悉

藉帡幪上願圓蓋高華方輿澄宴山靈薦瑞

川后呈祥雨露沾濡百穀順成於地利風雲

載靜四時常施於天休同文同軌以升平出

圖出書而康濟萬飛魚躍均陶一炁之生生

默舞鳳儀喜合萬形之化化陰關春到冥路

陽回_臣不勝虔禱之至

終獻

具位_臣恭謹重誠上啓

三清上聖十極高真圓穹之帝后仙靈洞府之曹僚主執醮筵內外一切真靈伏聞萬帝

臨軒愧蕩羗之無擇千官侍坐諒對非之不遺獻酬已罄於三周真饗幸殫於一念以今

玉杓影轉銀漢光斜月淡八鷹已翻翻而上運風清九鳳復搖曳於高征煙駟旁馳雲龍

下赴_臣等無從控挽惟劇瞻馳不勝依戀望恩之至謹稽首再拜奉送

存神燒香

香官使者左右龍虎君侍香諸靈官當令_臣設醮行道之所自然生金液丹碧芝英百靈

衆真交會在此香火爐前令_臣學道得道求仙得仙齋官獲福幽顯沾恩十方仙童玉女

侍衛蘭煙傳_臣向來所啓速達逕御太上无極大道至真玉皇上帝御前

回輓頌

焚燎

回向

壽星醮儀

法事如式

各禮師存念如法

宣衛靈咒

五星列照煥明五方水星却災木德致昌榮感消禍太白辟兵鎮星四據家國利亨名利玉簡字錄帝房垂聽散景飛騰太空出入冥無遊宴十方五雲浮蓋招神攝風

役使萬靈上衛仙翁_和與道合真

鳴法鼓二十四通

无上三天玄元始三炁太上道君召出_臣身

中三五功曹左右官使者侍香金童傳言玉女五帝直符直日香官各三十二人出出者

嚴裝關啓玄壇天帝神君當召此間土地里城真官正神急上關啓_臣今奉為入春意以

今陞壇設醮願得玉清道炁靈寶妙光下降流入_臣等身中即

使玄壇清淨內外成真天無氛穢地絕妖塵琳琅振響十方肅清萬魔不干真誠上徹令

臣所啓速達逕御

太上无極大道至真玉皇上帝御前

請稱法位

具位_臣恭與臨壇官衆等謹焚香上啓

上清十一曜星君北斗七元延生星君南斗

六司延壽星君東方箕宿星君南方翼宿星君南極老人壽德星君上清祿星君上清福

星君某入本命元辰胎生八位大小運限流年臨照星君九天金籙無量壽生神君九天

延壽星君某君九天好生韓君大人真君九天保命定命真君九天注生注祿真君九天

掌算萬福真君九天定貴續命真君九天陽官曹掌仙錄真君天曹延壽益算真君天曹

延生保命真君天曹注生勾死真君天曹司命司錄真君南宮延壽君南宮益算君南宮

好生君南極長生大君洞天福地靖慮治化典司壽算錄籍無鞅聖衆醮筵內外一切真

靈伏聞元始開闢散真風於萬有虛皇御運流化雨於十華林林而宇內寓形戰戰而窠

中稟命予奪增減端緒紫極之權衛壽天賢

愚允藉朱衣之靈奮令醮官恭馳神碧漢稽首青冥謝過迎釐已曆朝修之敬保生資壽更憑翊贊之功庸聲蕩表幸陳菲醮伏望雲車風馬會壽聖於玄壇月駟煙駉來千真於紫席不遺懇悃恪副忱恂臣不勝激切顛望之至再拜奉迎第六

請聖 初獻

重稱法位

具位臣恭與臨壇官眾等謹重誠上啓

周天列曜本命元辰九天職僚天曹主宰醮庭內外一切真靈伏聞大德本於生上帝之統臨無外五福一曰壽下民之期望冀窮故衛生願保於天年而延壽先資於帝貺匪繇主宰執領甄陶仰瞻經緯之星具俯視乾坤之職守凝精太極毓粹先天冠履陸離輝燁重霄之上佩環容與鏗鏘梵炁之中典生藉於清都提壽編於紫府凡仲飯載悉藉主維今醮官恭性本受中材塔語上傳家文獻幸有前輩之威儀垂世詩書可作後生之模範

起處清閒而自樂修持勤飭以相和深慮冉冉年華每易成於梭擲綿綿壽考忽有若於舟藏或祖玄之寬累猶榮或宿命之障愆未釋致傷命蒂難植生根又如玉緯移躔金經循度守照命身之次舍加臨運限之宮隅自非皈命於蒼官曷克延生於黃混是以修齋設醮格遵紫素之科燒香散花爰歷丹青之個冀垂鴻陰申錫龜年以謝以祈所願削罪花於既往有嚴有翼惟憐錫福果於方來霞靛駢羅雲霧錯列儻昭昭於應感實切切於恩榮臣不勝虔切俟命之至

正獻

重稱法位

具位臣恭與臨壇官眾等謹焚香上啓

周天列曜本命元辰九天職僚天曹主宰醮庭內外一切真靈伏聞視聽自民仰帝心之簡在禍福由己幸民欲之潛通明陰陽感君之機探天地和同之捷奉奉首過既委曲於敷陳莫莫祈年諒端詳於采臘伏願醮官恭自今其始惟吉之從八節四時冷炁无侵於

踐履三元六甲妖躪毋撓於躬行門關多自在之春院宇茂無為之旦公侯表表孫子誥誥碧簡題名上壽中壽下壽兼三壽青編定錄大書特書屢書不一書施隱德於蒼倪著陰功於遐邇霜霽若戟昂昂遠古之衣冠靈贊如絲濟濟當今之人物佐國表一心之赤理身留兩臉之丹舉動若少年可逐見童芝竹馬步趨無老態堪登將相之滿輪百歲安間一生康樂嘉拜由中之惠悉由濟下之恩臣不勝虔禱之至

終獻

重稱法位

具位臣恭與臨壇官眾等謹焚香上啓

周天列曜本命元辰九天職僚天曹主宰醮庭內外一切真靈伏聞以實不以文禮寓葵藿之敬在德不在物敬存頤藻之儀既奠獻之三周宜精神之備至翩翩羽葆將旋於紫闕之班奕奕靈光已返於芝壇之炁其無從依應惟切瞻馳升車之恩乞垂福祐臣不勝望恩之至謹稽首再拜奉送

存神燒香

香官使者左右龍虎君侍香諸靈官當令
設醮行道之所自然生金液丹碧芝英百靈
眾真交會在此香火爐前令學道得道求
仙得仙齊官獲福幽顯沾恩十方仙童玉女
侍衛蘭煙傳向來所啓速達運御
太上无極大道至真玉皇上帝御前

回轉頌

焚燎

靈寶領教濟度金書卷之二百四十五

靈寶領教濟度金書卷之二百四十六
七十二百四十八同卷
洞微高士開光啟苦真人靈真撰
靈寶通女以教水南先生林靈真編
育七

科儀立成品祈晴齋合用

早朝行道儀

燒香頌

各禮師存念如法

宜衛靈呪

青陽虛映曜日回靈神虎辟邪飛天流鈴
推奸滅試萬魔東形九微回通八威攝精
千真校錄三元蕩清左肅中黃右策六丁
七轉八合周旋天經聖化魏魏三道順行
慶雲流布合景黃庭和與道合真

鳴法鼓二十四通

无上三天玄元始三炁太上道君召出
身中三五功曹左右官使者侍香金童傳言玉
女五帝直符直日香官各三十二人出出者
嚴裝闍啓玄壇天帝神君當召此間土地里
威真官正神急上開啓今奉為入麻意以

今清且陞壇行道願得玉清道炁靈寶妙光
下降流入等身中今所啓速達運御
太上无極大道至真玉皇上帝御前

謹稱法位

具位某與臨壇官眾等謹同誠上啓

虛無自然元始天尊无極大道太上道君太
上老君高上玉皇上帝高上神霄玉清真王
長生大帝高上神霄玉清真王青華大帝九
天應元雷聲普化天尊九天雷祖上帝上清
紫微碧玉官太乙天大帝六天洞淵大帝六
波天上帝君可韓司丈人天尊九天采訪使
天尊雷震九司諸天省府東華西靈執職真
衆洞天福地四海四瀆溪澗潭洞主宰龍神
社稷山川城隍里域三界官屬一切真靈
聞先天先地虛无疑一炁之宗分陰分陽妙
有散萬靈之象胤百昌而化育詞九野以裁
成雨露無私共稟清微之政今雷寔有赫普
承紫極之靈光蕩蕩難名魏魏不宰凡囿範
圍之內悉歸陶冶之中等弱質迂疎庸林
鄙陋因循日齋曲承師匠之甄收領受風斤